

Utval: Fylkeseldrerådet i Hordaland
Møtestad: Fylkesutvalsalen, 3. etasje, Fylkeshuset, Agnes Mowinckels gate 5
Dato: 11.04.2019
Tidspunkt: 09:30 – 13.10

Følgjande faste medlemmer møtte:

Namn	Funksjon	Representerer
Gunvor Opedal	Medlem	PF
Odd Himle	Medlem	SN-H
Gunda Falao Sparre	Leiar	LOP
Monrad Reigstad	Nestleiar	PF
Synnøve Solbakken	Medlem	FL A/SP/SV
Inger Sjong	Medlem	FL H/FRP/V/MDG

Følgjande medlemmer hadde meldt forfall:

Namn	Funksjon	Representerer
Inger M. Lingjerde	Medlem	PF

Følgjande varamedlemmer møtte:

Namn	Møtte for	Representerer
Kari Solberg	Inger M. Lingjerde	PF

Merknader

Frå administrasjonen møtte:

Namn	Stilling
Marielle Solheim	som møtesekretær

Sakliste

Utvals- saknr	Innhald	Arkiv- saknr	U.Off.
PS 32/19	Godkjenning av møteinnkalling		
PS 33/19	Godkjenning av møtebok forrige møte		
PS 34/19	Godkjenning av sakliste		
PS 35/19	Referatsak (meldingar)		
RS 10/19	Høyrings svar - Eit eldrevnleg Bergen - Seniorplan for Bergen kommune 2019 - 2024	2018/16480	
RS 11/19	Høyrings svar - Felles anleggs- og tildelingspolitikk for spelemidlar til fysisk aktivitet, idrett og friluftsliv for Vestland fylkeskommune 2020-2024	2018/16480	
RS 12/19	Brev frå FYEL om aktivitørfaget som fagskuleutdanning	2018/16480	
RS 13/19	Større saker til politisk behandling første halvår 2019	2018/16480	
RS 14/19	Arbeidet med nytt reglement for medverknadsorgana	2018/16480	
PS 36/19	Ymse		
PS 37/19	Høyrings svar - NOU 2018:16 - det viktigaste først - prioriteringar i tannhelse-, helse-, og omsorgstenestane	2018/16480	
PS 38/19	Høyrings svar - Forslag til endring av forskrift om stønad til dekking av utgifter til fysioterapi m.m.	2018/16480	
PS 39/19	Forslag til uttalar frå den nasjonale eldrerådskonferansen	2018/16480	
PS 40/19	Økonomisk støtte til medisinsk fotterapi	2018/16480	
PS 41/19	Avklaring rundt middagen under Vestlandskonferansen	2018/16480	
PS 42/19	Tema for orienteringar i møtet 19.06.19	2018/16480	
PS 43/19	Arbeidet med nytt reglement for medverknadsorgana	2018/16480	

PS 32/19 Godkjenning av møteinnkalling

Saksprotokoll i fylkeseldrerådet i Hordaland - 11.04.2019

Møteinnkallinga vart godkjend utan merknader.

PS 33/19 Godkjenning av møtebok forrige møte

Saksprotokoll i fylkeseldrerådet i Hordaland - 11.04.2019

Gunda Falao Sparre (LOP) peika på at det under Røysting i PS 28/19 står «Fylkesrådmannen sitt vedtak vart samrøystes vedteke», der riktig formulering skal vere «Fylkesrådmannen sitt forslag til vedtak vart samrøystes vedteke»

Møteprotokollen frå 14.03.2019 vart godkjend med den merknaden som er nemnd over.

PS 34/19 Godkjenning av sakliste

Saksprotokoll i fylkeseldrerådet i Hordaland - 11.04.2019

Fylkeseldrerådet vedtok samrøystes å setje RS 14/19 på sakslista for møtet utan saksførelegg:

- PS 43/19 Arbeidet med nytt reglement for medverknadsorgana.

Sakslista vart godkjend med den merknaden som er nemnd over.

PS 35/19 Referatsak (meldingar)

Saksprotokoll i fylkeseldrerådet i Hordaland - 11.04.2019

RS 10/19 – 13/19 vart refererte.

RS 14/19 vart sett som ny politisk sak på sakskartet.

PS 36/19 Ymse

Saksprotokoll i fylkeseldrerådet i Hordaland - 11.04.2019

Gunda Falao Sparre (LOP) opplyste at ho har vorte intervju av Deloitte om samarbeidet med fylkeskommunen om TT-kort. Kontrollkomiteen er oppdragsgjevar, og rapport/referat vert utarbeida av Deloitte. Fylkeseldrerådet er sams i at samarbeidet med samferdselsavdelinga har vore godt, og at rådet har fått gjennomslag for viktige saker når det kjem til ordninga med TT-kort.

Det har kome ei ny påmelding til Vestlandskonferansen, og det er no 21 deltakarar.

Fylkeseldrerådet vil byrje arbeidet med programmet til Haustkonferansen når Vestlandskonferansen er overstått. I samband med PS 41/19 fekk likevel Gunvor R. Opedal klarsignal til å kontakte Jimmy Næs for å høyre om han kan stille med kulturelt innslag første dag av Haustkonferansen.

Monrad Reigstad (PF) rapporterte frå to-dagars møte i Helse Bergen om temaet brukarmedverknad.

Synnøve Solbakken (FL A/SP/SV) løfta fram temaet pasientreiser. Fylkeseldrerådet er sams i at pasientreiser er eit tema dei vil arbeide meir med vidare.

PS 37/19 Høyringsssvar - NOU 2018:16 - det viktigaste først - prioriteringar i tannhelse-, helse-, og omsorgstenestane

Forslag til vedtak

Fylkeseldrerådet vedtek høyringssvaret slik det ligg føre.

Saksprotokoll i fylkeseldrerådet i Hordaland - 11.04.2019

Røysting

Fylkesrådmannen sitt forslag til vedtak vart samrøystes vedteke.

Vedtak

Fylkeseldrerådet vedtek høyringssvaret slik det ligg føre.

PS 38/19 Høyringsssvar - Forslag til endring av forskrift om stønad til dekking av utgifter til fysioterapi m.m.

Forslag til vedtak

Fylkeseldrerådet vedtek høyringssvaret slik det ligg føre.

Saksprotokoll i fylkeseldrerådet i Hordaland - 11.04.2019

Røysting

Fylkesrådmannen sitt forslag til vedtak vart samrøystes vedteke.

Vedtak

Fylkeseldrerådet vedtek høyringssvaret slik det ligg føre.

PS 39/19 Forslag til uttalar frå den nasjonale eldrerådskonferansen

Forslag til vedtak

Saka vert lagt fram utan tilråding.

Saksprotokoll i fylkeseldrerådet i Hordaland - 11.04.2019

Gunda Falao Sparre (LOP) sette på vegne av fylkeseldrerådet fram følgjande forslag (A):

«Første kulepunkt i uttaleforslag nr. 1 endrast til «Pensjonistene må få tilbake forhandlingsretten», og første setning i sjølve teksten omgjerast til eit fjerde kulepunkt: «Om partene ikke oppnår enighet, skal trygdeoppgjøret videresendes til Stortinget.»

Gunvor R. Opedal (PF) sette fram følgjande forslag (A):

«Ein innfører kulepunkt i innleiinga i uttaleforslag nr. 5, før resten av teksten følgjer som bakgrunn:

Den nasjonale konferansen for fylkeskommunale eldreråd vil:

- Oppfordre reiseoperatørar til å legge opp turtilbod frå heile landet.

- Stille krav til reiseoperatører og hotell om å fjerne enkeltromstillegg.

[Her følger bakgrunn: Den nasjonale konferansen for fylkeskommunale eldreråd vil innstendig oppfordre ...]»

Synnøve Solbakken (FL A/SP/SV) sette fram følgjande forslag:

«Ny tittel på uttaleforslag nr. 6:

Det må leggjast til rette for auka IT-kompetanse blant eldre.»

Gunvor R. Opedal (PF) sette fram følgjande forslag (B):

«Solbakken sitt forslag vert ny underoverskrift på uttaleforslag nr. 6.»

Gunda Falao Sparre (LOP) sette på vegne av fylkeseldrerådet fram følgjande forslag (B):

«Forslaga til uttalar vert diskutert vidare med deltakarane på Vestlandskonferansen.»

Fylkeseldrerådet sa seg samrøystes einige i (redigert) uttale nr. 2, 3, 4, 7, og 8.

Røysting

Falao Sparre sitt forslag (A) vart samrøystes vedteke.

Opedal sitt forslag (A) vart samrøystes vedteke.

Solbakken sitt forslag vart vedteke med 6 røyster mot 1 røyst for Opedal sitt forslag (B).

Falao Sparre sitt forslag (B) vart samrøystes vedteke.

Vedtak

Fylkeseldrerådet stiller seg bak (redigert) uttale nr. 2, 3, 4, 7, og 8. Fylkeseldrerådet vil diskutere forslaga til uttalar med deltakarane på Vestlandskonferansen, men går inn for å framsetje endringsforslag til (redigert) uttale nr. 1, 5 og 6 på den nasjonale eldrerådskonferansen slik:

- Første kulepunkt i uttaleforslag nr. 1 endrast til «Pensjonistene må få tilbake forhandlingsretten», og første setning i sjølve teksten gjerast om til eit fjerde kulepunkt: «Om partene ikke oppnår enighet, skal trygdeoppgjøret videresendes til Stortinget».
- Ein innfører to kulepunkt (1. Oppfordre reiseoperatørar til å legge opp turtilbod frå heile landet. 2. Stille krav til reiseoperatører og hotell om å fjerne enkeltromstillegg) i innleiinga i forslag nr. 5, før resten av teksten følgjer som bakgrunn.
- Forslag nr. 6 får følgjande overskrift: «Det må leggjast til rette for auka IT-kompetanse blant eldre.»

PS 40/19 Økonomisk støtte til medisinsk fotterapi

Forslag til vedtak

Fylkeseldrerådet utarbeidar ein uttale om at naudsynt medisinsk fotterapi bør omfattast av ordninga med frikort for helsetenester, eller eventuelt andre stønadsordningar. Uttalen kan sendast til Helse- og omsorgsdepartementet, Stortinget sin helse- og omsorgskomiteé, og til eldre- og folkehelseministeren.

Saksprotokoll i fylkeseldrerådet i Hordaland - 11.04.2019

Monrad Reigstad (PF) sette fram følgjande forslag:

«Følgjande uttale sendast til Helse- og omsorgsdepartementet, Stortinget sin helse- og omsorgskomite, og til eldre- og folkehelseministeren:

Økonomisk støtte til medisinsk fotterapi.

Det gjeld fotpleie for eldre, især minstepensjonistar. Fotpleie hjå autorisert fotterapeut kostar i dag ca. 700,- for ein time, og er tilrådd kvar 6. veke. Det er viktig at eldre, og då særskild dei som har diabetes, får stelt føtene sine regelmessig hos profesjonelle fotterapeutar, men prisen tilseier at for ein minstepensjonist utan ekstra midlar vert dette for dyrt. Det hadde difor vore på sin plass at denne gruppa betaler eigenandel for fotpleie, og at resten vert dekkja av NAV.

Diabetes gjer opptil 34 gonger auka risiko for amputasjonar, dei fleste av desse amputasjonane kunne ha vore unngått med god fotpleiebehandling. Fotkontroll er viktig, særskild for eldre og personar som har hatt diabetes over mange år. At nokon opplever at prisen for fotterapi er for høg til at dei kan oppretthalde naudsynt behandling kan få alvorlige konsekvensar og forringa livskvalitet, også i form av passivitet og isolasjon.

Fylkeseldrerådet i Hordaland vil oversende denne uttalen til Helse- og omsorgsdepartementet, Stortinget sin helse- og omsorgskomite, og til eldre- og folkehelseministeren, og be om at denne gruppa kjem inn under forskrift om stønad til dekking av utgifter (jfr. forskrift av 25. september 2018 nr 1465 om stønad til dekning av utgifter til fysioterapi m.m.).»

Synnøve Solbakken (FL A/SP/SV) sette fram følgjande forslag:

«Tredje setning i andre avsnitt endrast til:

At nokon opplever at kostnaden for fotterapi er for høg til at dei kan oppretthalde naudsynt behandling kan føre til alvorlege konsekvensar og forringa livskvalitet, som einsemd, passivitet, immobilitet, og at ein vert utsett for fleire ulike komplikasjonar som følgje av dette.»

Gunda Falao Sparre (LOP) sette fram følgjande forslag:

«Uttalen, dersom vedtatt, vil verte språkvaska.»

Røysting

Fylkesrådmannen sitt forslag vart ikkje røysta over.
Reigstad sitt forslag vart samrøystes vedteke.
Solbakken sitt forslag vart samrøystes vedteke.
Falao Sparre sitt forslag vart samrøystes vedteke.

Vedtak

Reigstad sitt forslag til uttale, med Synnøve Solbakken sitt endringsforslag, gjennomgår ein språkvask og sendast til Helse- og omsorgsdepartementet, Stortinget sin helse- og omsorgskomite, og til eldre- og folkehelseministeren.

PS 41/19 Avklaring rundt middagen under Vestlandskonferansen

Forslag til vedtak

Saka vert lagt fram utan tilråding.

Saksprotokoll i fylkeseldrerådet i Hordaland - 11.04.2019

Gunda Falao Sparre (LOP) sette på vegne av fylkeseldrerådet fram følgjande forslag:

«Helene Reigstad står for det kulturelle innslaget under middagen.»

Røysting

Gunda Falao Sparre (LOP) sitt forslag vart samrøystes vedteke.

Vedtak

Helene Reigstad står for det kulturelle innslaget under middagen.

PS 42/19 Tema for orienteringar i møtet 19.06.19

Forslag til vedtak

Saka vert lagt fram utan tilråding.

Saksprotokoll i fylkeseldrerådet i Hordaland - 11.04.2019

Gunda Falao Sparre (LOP) sette på vegne av fylkeseldrerådet fram følgjande forslag (A):

«Opplæringsavdelinga og Skyss vert inviterte til møtet 19.06.19 for å orientere om same tematikk som dei opphavleg vart inviterte til å orientere om i møtet 11.04.19.»

Gunda Falao Sparre (LOP) sette på vegne av fylkeseldrerådet fram følgjande forslag (B):

«Samferdselsavdelinga vert inviterte til møtet 19.06.19 for å orientere om korleis dei arbeider med nye Vestland fylkeskommune.»

Gunda Falao Sparre (LOP) sette på vegne av fylkeseldrerådet fram følgjande forslag (C):

«Kultur- og idrettsavdelinga og økonomiavdelinga er aktuelle for møtet 06.09.19. Frå økonomiavdelinga er det ynskjeleg å få informasjon om fylkeseldrerådet sitt budsjett i nye Vestland fylkeskommune.»

Røysting

Falao Sparre sitt forslag (A) vart samrøystes vedteke.

Falao Sparre sitt forslag (B) vart samrøystes vedteke.

Falao Sparre sitt forslag (C) vart samrøystes vedteke.

Vedtak

Opplæringsavdelinga og Skyss vert inviterte til møtet 19.06.19 for å orientere om same tematikk som dei opphavleg vart inviterte til å orientere om i møtet 11.04.19.

Samferdselsavdelinga vert inviterte til møtet 19.06.19 for å orientere om korleis dei arbeider med nye Vestland fylkeskommune.

Kultur- og idrettsavdelinga og økonomiavdelinga er aktuelle for møtet 06.09.19. Frå økonomiavdelinga er det ynskjeleg å få informasjon om fylkeseldrerådet sitt budsjett i nye Vestland fylkeskommune.

PS 43/19 Arbeidet med nytt reglement for medverknadsorgana

Saksprotokoll i fylkeseldrerådet i Hordaland - 11.04.2019

Fylkeseldrerådet vedtok samrøystes å sette RS 14/19 Arbeidet med nytt reglement for medverknadsorgana på sakskartet som politisk sak utan saksførelegg.

Gunda Falao Sparre (LOP) sette fram følgjande forslag:

«Fylkeseldrerådet sender følgjande uttale til administrasjonen, slik at den kan ligge som vedlegg til vidare saksgang:

Fylkeseldrerådet i Hordaland handsama føreslått reglement for fylkeseldrerådet i nye Vestland fylkeskommune i PS 43/19 i møtet 11.04.19.

Fylkeseldrerådet i Hordaland er tilfreds med at vi er høyrde i den nye forslaget til reglement for fylkeseldrerådet, slik det sett fram frå prosjektleiar.

Vi er tilfreds med at talet på rådsmedlemar vert utvida til ni medlemar, med sju frå fylket sine omfattande pensjonistforeiningar og to politikarar.

Vi vonar at dette vert godkjend i fellesnemnda. Vi er også samde i at eventuelle endringar i forskrifta om eldreråd som no er ute til høyring, vil verta innarbeid i reglementet på eit seinare tidspunkt, når dei føreligg frå departementet.

Fylkeseldrerådet i Hordaland
v/ leiar»

Odd Himle (SN-H) sette fram følgjande forslag:

«Ny setning på slutten av tredje avsnitt:

Leiar og nestleiar skal veljast blant representantane frå pensjonistorganisasjonane.»

Røysting

Falao Sparre sitt forslag vart samrøystes vedteke.
Himle sitt forslag vart samrøystes vedteke.

Vedtak

Sparre sitt forslag til uttale, med Himle sitt tilleggsforslag, sendast til administrasjonen for å liggje ved vidare saksgang for arbeidet med reglement for medverknadsorgana.